



Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismvs
Catholicus, summam Christianæ institutionis IIII. libris
succinctim complectens**

Klinge, Konrad

Coloniae, 1570

VD16 K 1309

3. Quomodo vita aeterna differat à morte aeterna.

urn:nbn:de:hbz:466:1-29452

hominis ascenderit, quæ præparauit Deus diligenteribus se &c. hoc autem sumus ex scripturis, quod ibi non erit mors, neq; dolor, neq; tristitia, neq; famæ, neque sitis, neque frigus, neque calor, &cæt. Esai. 25. Apocalyps. 21. ibi erunt electi fulgentes, sicut Sol, Matthæi 13. & sicut Angeli Dei non nubentes, Matth. 22. ibi erunt variæ mansioes, Ioan. 14. Secundum quod quisque fecerit, habebit suum præmium. 1. Cor. 3. ibi non erit Sathanas, peccatum, mors, aut infernus, nec tribulatio, sed æterna lux & claritas in vera cognitione Dei, atque æternum gaudium & felicitas. Igitur Apostolus ad Roman. 8. inquit: Non sunt dignæ passiones huius temporis ad futuram gloriam, quæ reuelabitur in nobis. Ex his omnibus agnoscamus immensam Christi gratiam & charitatem erga nos, qui, ut hæc haberemus, & æternam felicitatem, & vitam acquirere possemus, venit in mundum, & mortuus est pro peccatis nostris, & resurrexit propter iustificationem nostram, Roman. 4.

Tertio, mors æterna dicitur damnatio perpetua malorum. Mors naturæ et si interficerit sanctos Dei, Christus tamen ipsis reddit vitam æternam, sicut Ioan. 3. Amen amen dico vobis, qui sermonem meum seruauerit, mortem non videbit in æternum. Et Ioan. 11. Qui credit in me, etiamsi mortuus fuerit, viuet. Pœna autem damnatorum perpetua est, sicut Christus vocat ignem æternum, Matth. 25. & Matt. 3. Ioannes vocat ignem inextinguibilem, & Esai. vlt. dicitur: Vermis illorum non morietur, id est, accusatio & terror conscientie de ira Dei: & ignis non extinguetur. Eandem que sententiam Christus ipse Marc. 9. propè de verbo ad verbum repetit. Differunt ergo vita & mors æterna, non in æternitate, quia ambo æterna, sed in gloria, gaudio, & felicitate, atque poena, terrore & luctu: nam ibi erunt tenebrae exteriores, ubi est fletus & Matt. 8. 3.. folidor dentium, Lucæ 13. Augustin. Sermone 109. de 22. 24. 15. 2 tempore:

tempore: Expectamus, inquit ergo ipsam vitam æternam, adhuc enim non totum corpus accepit, caput quidem in cœlo est, id est, Christus: membra adhuc in terra sunt: nec caput solum accepturum est hereditatem, & corpus relinquetur: totus Christus accepturus est hereditatem, id est, vitam æternam: totus secundum hominem, id est, caput & corpus, membra autem Christi sumus: & hereditas veniet, cum illis omnia transierunt: hoc bonū accepturi sumus quod non transibit, & hoc malum evasuri quod non transibit: quia quæ promisit Deus in futuro, æterna sunt, ut vita æterna, ignis eternus. Amemus ergo quod promisit, & timeamus quod minatur. Amen. Hæc August.

F I
N
I S
LIBRI SECUNDI.

